

Alþingi, nefndarsvið

Kirkjustræti

150 REYKJAVÍK

Umsögn Sýslumannsins á Austurlandi um breytingu á lögum um erfðafjárskatt, nr. 14/2004, með síðari breytingum (þrepaskipting).- 10. mál, þskj. 10.

Embættið hefur kosið að gera athugasemdir við frumvarpið og fylgja þær hér með:

1. gr. engin athugasemd.
2. gr. orðist svo: „ Lög þessi öðlast gildi 1. janúar 2019 og taka til skipta á dánarbúum þeirra sem andast þann dag eða síðar, búskipta þeirra sem hafa heimild til setu í óskiptu búi fari þau fram eftir gildistöku laganna og álagningar erfðafjárskatts á fyrirframgreiðslu arfs vegna erfðafjárskýrslna sem berast sýslumönnum eftir gildistöku laganna.“

Það er mat embættisins að nauðsynlegt sé að kveða skýrt á um það til hvaða dánarbúa hin breyttu lög taki og frá hvaða tíma. Nú þegar er farið að bera á því að erfingjar dánarbúa séu farnir að gera sér væntingar um að skattstofn lækki sem aftur leiðir til þess að óskað er eftir frestum á skiptalokum fyrirbyggjandi dánarbúa fram yfir þann tíma sem lög kveða á um. Með því að kveða á um að lagabreytingin eigi eingöngu við um dánarbú þeirra sem andast við eða eftir gildistöku þeirra er réttaróvissu eytt og enginn þarf að velkjast í vafa um hvaða reglur gilda. Um er að ræða skattlagabreytingu og krafa er uppi um það í íslenskum rétti að engin óvissa sé um skattskyldu manna.

Seyðisfirði, 26. september 2018

Sýslumaðurinn á Austurlandi,



Lárus Bjarnason